

Тропари
РОЖДЕСТВО ПРЕСВЯТОЙ
БОГОРОДИЦЫ

Рождество Твое, Богородице Дево, радость возвести всей вселенной: из Тебе бовозсия солнце правды, Христос Бог наш, и разрушив клятву, даде благословение, и упразднив смерть, дарова нам живот вечный.

ВВЕДЕНИЕ ВО ХРАМ ПРЕСВЯТОЙ
БОГОРОДИЦЫ

Днесь благоволения Божия предображение, и человек спасения проповедание, в храме Божий ясно Дева является, и Христа всем предвозвещает, Той и мы велегласно возопиим: радуйся, смотрения Зиждителя исполнение.

БЛАГОВЕЩЕНИЕ ПРЕСВЯТОЙ
БОГОРОДИЦЫ

Днесь спасения нашего главизна, и еже от века таинства явление: Сын Божий, Сын Девы бывает, и Гавриил благодать благовествует. Темже и мы с ним Богородице возопиим: радуйся, Благодатная, Господь с Тобою.

СРЕТЕНИЕ ГОСПОДА НАШЕГО
ИИСУСА ХРИСТА

Радуйся, Благодатная Богородице Дево, из Тебе бовозсия Солнце правды, Христос Бог наш, просвещающая во тьме. Веселися и ты, старче праведный, приемый во объятия Свободителя душ наших, дарующаго нам воскресение.

УСПЕНИЕ ПРЕСВЯТОЙ
БОГОРОДИЦЫ

В рождестве девство сохранила еси, во успении мира не оставила еси, Богородице, представи-лася еси к животу, Матисуци Живота, и молитвами Твоими избавляеши от смерти души наша.

Кондаки
РОЖДЕСТВО ПРЕСВЯТОЙ
БОГОРОДИЦЫ

Иоаким и Анна поношения безчадства, и Адам и Ева от тли смертных свободистася, Пречистая, во святем рождестве Твоем. То празднуют и людие Твои, вины прегрешений избавльшеся, внегдазвати Ти: неплодыраждает Богородицу и питательницу жизни нашея.

ВВЕДЕНИЕ ВО ХРАМ ПРЕСВЯТОЙ
БОГОРОДИЦЫ

Пречистый храм Спасов, многоценный чертог и Дева, священное сокровище славы Божия, днесь вводится в дом Господень, благодать совводящи, яже в Дусе Божественном, Юже воспевают Ангели Божий: Сия есть селение небесное.

БЛАГОВЕЩЕНИЕ ПРЕСВЯТОЙ
БОГОРОДИЦЫ

Взбранной Воеводе победительная, яко избавльшеся от злых, благодарственная восписуем Ти раби Твои, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Невестная.

СРЕТЕНИЕ ГОСПОДА НАШЕГО
ИИСУСА ХРИСТА

Утробу Девичую святивый рождеством Твоим, и руже Симеоне благословивый, якоже подобаше, предварив, и ныне спаслеси нас, Христе Боже, но умири во бранех жительство и укрепи люди, ихже возлюбил еси, Едине Человеколюбче.

УСПЕНИЕ ПРЕСВЯТОЙ
БОГОРОДИЦЫ

В молитвах неусыпающую Богородицу и в предстательствах непреложное упование, гроб и умерщвление не удержаста: якоже бо Живота Матерь, к животу представи во утробу Вселивыйся приснодевственную.

ТРОПАРИ

РОЖДЕСТВО ХРИСТОВО

Рождество Твое, Христе Боже наш, возсия мирови свет разума: в нем бо звездам служащий, звездою учахуся Тебе кланяться Солнцу правды, и Тебе ведети с высоты Востока; Господи, слава Тебе.

КРЕЩЕНИЕ ГОСПОДНЕ

Во Иордане крещающуся Тебе, Господи, Трои-ческоявися поклонение: Родителей бо глас свидельствоваше Тебе, возлюбленнаго Тя Сына именуя, и Дух в виде голубине, извествоваше словес утверждение. Явлейся, Христе Боже, и мир проев щей, слава Тебе.

ПРЕОБРАЖЕНИЕ ГОСПОДНЕ

Преобразился еси на горе, Христе Боже, показавый учеником Твоим славу Твою, якоже можаху; да возсияет и нам грешным свет Твой присносущный, молитвами Богородицы, Светодавче, слава Тебе.

ВОЗДВИЖЕНИЕ КРЕСТА ГОСПОДНЯ

Спаси, Господи, люди Твоя, И благослови достояние Твое, Победы православным христаанам на сопротивныя даруя, И Твое сохраняя Крестом Твоим жительство.

КОНДАКИ

РОЖДЕСТВО ХРИСТОВО

Дева днесь Пресущественнаго раждает, и земля вертеп Неприступному приносит; Ангели с пастырьми славословят, волсви же со звездою путешествуют; нас бо ради родися Отроча младо, Превечный Бог.

КРЕЩЕНИЕ ГОСПОДНЕ

Явился еси днесь вселенней, и свет Твой, Господи, знаменая на нас, в разуме поющих Тя: пришел еси и явился еси Свет неприступный.

ПРЕОБРАЖЕНИЕ ГОСПОДНЕ

На горе преобразился еси, и якоже вмещаху ученицы Твои славу Твою, Христе Боже, видеша: да егда Тя узрят распинаема, страдание убо уразумеют вольное, мирови же проповедят, яко Ты еси воистину Отчее сияние.

ВОЗДВИЖЕНИЕ КРЕСТА ГОСПОДНЯ

Вознесыйся на Крест волею, тезоименитому Твоему новому жительству, щедроты Твоя даруй, Христе Боже, возвесели силою Твоею верныя люди Твоя, победы дая нам на сопостаты, пособие имущим Твое оружие мира, непобедимую победу